

## ECM HEADQUARTERS WEEKLY NEWS FOR JUNE 5, 2016

### GENERAL

- 1. M.Th â chu awpazy:** Rev. S. Beikhokhei nata Rev. N.C. Beihrosia zy cha Assembly ta a pasaipa hawhta atakô M.Th â chu awpa ta ama sie aw.
- 2. Rescue & Rehabilitation Centre:** Amobyu ‘V’ (Zero) liata ECM hmahlana ta Rescue nata Rehabilitation Center padua awpa ta hmahla haipa a châ. Kô 2016 chhâ hlâta Building-6 (Assam type) ta sa awpa a châ.
- 3. Camping hnei:** May 23-30, 2016 likawh liana khata Palâ khih liata Camping hneipa châta, Speaker cha Puhpa Allen B. Hlychho, New Colony Siaha a châ.
- 4. KPP Sign Board:** KPP Motto “*Kei nata ei chhôkhazy heta la Abeipa eima chakao aw*” (Zawsua 24:15) tahpa cha KPP Branch zydua ta khihliah a lâhâhna su liata taw awpa ta pathlupa cha, Branch tozy hmahlata tawh awpa ta pahnosapa ama châ.
- 5. MBH Tly awpa pahnosana:** KPP Branch tozy cha HEC Meeting ei 1-na ta bie a pathlupa hawhta, amâ ryhpaohna dâh hawhta MBH tly awpa ta pahnosapa ama châ.
- 6. ECM KTP Week & Day Pahyna (Kick Off) Programme:** 31<sup>st</sup> May, 2016 zâ 7:00 liana khata Centenary Hall, ECM Local Church, New Colony Siaha liata ECM KTP Week & day pahyna (Kick Off) daihti a pha kawpa ta â hmâpa a châ. He liata refreshment nata reception zydua New Colony Local nata KTP branch zy ta pahnne kawpa ta programme a vaw hlaopazy vaw tlô ei ta, a ma chô liata eimâ ly hmeiseih.
- 7. Puhpa A. Khosa (L) Lôbô:** ECM Missionary hmiatuachaipa Puhpa A. Khosa Lôbô, ECM KTP Hqrs ta kô 1998, New Colony liata a bôpa cha ECM Mission Golden Jubilee kô zy avaw châpa vâta bô pathi/taopathieh awpa ta tahpa a châ.
- 8. ECM KTP Pakhyipi-Tisi Biepipa & Worship Group:** 2017 ECM KTP Pakhyipi-Tisi châta Worship Group taopa/paduapa châta, biepipa châta “*Hro Krista*” tahpa pathlupa a châ hra.
- 9. KTP Day:** Atahmâ he KTP Week ECM Awnano hro hropa liata a hmâ ngâ haipa châta, KTP Day he June 10, 2016 liata â hmâpa a châ aw. ECM KTP Day & Week, 2016 palâpa nata Khazohpa thlapa pathaihpa apahlaona chôta ECM KTP member zy hmâkhai chyu awpa ta ECM KTP Hqrs ta eima Beipa Zisu Krista mohta khokheina â sâh chaipa a cha hlâ ei.

### MISSION

- 1. Doctor of Divinity:** H. Samuel Mang, Nepal field liata eima missionary Pastor cha chakaona liata a hriapasa kawpa vâta alyna bie reina châta Christian International School of Theology ta Doctor of Divinity degree a hlâ.
- 2. Bati amâ châ:** 2<sup>nd</sup> June, 2016 liana khata Mishing Evangelical Mission (MEM) liata chhôkhka pakha tawhta member 3 zy ta bâti a mâ châ.